




1607_188r.jpg




1607_188v.jpg




1607_189r.jpg




1607_189v.jpg



1607_190r.jpg




1607_190v.jpg



1607_191r.jpg




1607_191v.jpg




Le Mercure François, ou,

1607. rememorera y seulement vn seul pour tous : S. Gregoire Nazianzene en sa premiere harangue contre l'Empereur Iulien recite cōme afin qu'il peult mieux deceuoir les simples Chrestiens, il fit inserer & adiouter les images des faux Dieux dans les portraicts de l'Empereur deuant lesquels les Romains auoient accoustumé de fencliner d'vne reuerēce ciuile, si que personne ne pouuoit faire la reuerence aux tableaux de l'Empereur qu'en mesme temps & action il n'adorast les images des faux Dieux : surquoy aussi il arriua que plusieurs y furent trompez : & s'il y en auoit aucuns qui s'aduifans de la ruse refusassent de faire honneur à ces tableaux, ils estoient griefuement punis comme ayans mesprisé l'Empereur en son image. Certes il me semble recognoistre quelque chose de fort semblable, enueloppé en ce sermēt qu'on vous offre, si subtilement & artistement composé, que nul ne peut detester la trahison contre son roy, & luy faire professiō de sa subiection ciuile, sinon que quant & quant il soit contraint de nier perfidement la primauté du saint Siege, mais les seruiteurs de nostre Seigneur Iesus. Christ, & principalement les principaux Prestres doiuent estre si esloignez de prester vn serment qui endommage leur foy, que mesmes ils doiuent auoir esgard de ne donner pas le moindre soupçon qu'ils l'ayent iamais presté, ou fait semblant de le prester, de peur qu'ils ne semblēt auoir laissé aux bōs Chrestiens quelque exemple de preuarication. Ce que le vaillant Eleazar sceut glorieusement mettre en pratique,

1607_192r.jpg



1607_192v.jpg



1607.

Le Mercure François, ou,

Colonel de tout le reste. Or quelle que puisse
estre la cause que vostre constance s'est attiedie.
soit ou la soudainerie de vostre apprehension,
l'aigneur de vostre persecution, ou l'imbecilité
de vostre vieillesse, si est-ce que nous confions
en Dieu, & en vostre propre vertu si long tēps
continuee, qu'en fin il arriuera que cōme vous
auez en quelque sorte imité le cas de Pierre &
Marcellin, aussi imitez vous leur valeur à re-
couurer vostre premiere force & maintenir la
verité : Car si vous considerez de pres la con-
sequence du fait, vous trouuerez que ce n'est
pas peu de chose qui est auourd huy mise en
question par ce serment, ains vn des principaux
articles & fondements de nostre foy. De fait
oyez ce qu'en dit vostre propre Apostre Gre-
goire le grand en la 4. Epistre de son vnzieme
liure, *Que la reuerence due au S. Siege ne soit point
troubee par la persuasion d'aucun : Car lors l'estat de
tous les membres demeure entier, quand le chef de l'E-
glise n'est point oppressé par au une iniure.* Et pource,
par le tesmoignage de saint Gregoire, quand
les heretiques s'efforcent de troubler, diminuer
ou abolir la primauté du S. Siege, croyez quant
& quant qu'ils visent à retrancher le Chef mes-
me de la foy, & dissoudre l'Estat de tout le
corps & des mēbres. C'est aussi ce que S. Leon
confirme au troisieme Sermon de son Assum-
ption au Pape, disant, *Nostre Seigneur a vn sein spe-
cial de Pierre, & prie peculièrement & proprement
pour sa foy, comme si de fait l'Estat des autres estoit bien
plus assésuré, lors que l'esprit de leur Prince n'est pas ai-
sément pour estre vaincu.* Surquoy le mesme en son
Epistre

Image issue du site mercurefrancois.ehess.fr - Cliché (c) Cécile Soudan